

- TESTAMENTO IN PRIGIONIA -

Una vita cussì  
No possu resistì:  
In campu di battaglia murì dia.

Molti a candu stai?  
Aggi di me pietai!  
Eu bramu a te ma Tu no veni!  
Socu a l'oscuritai  
Priu di libaltai  
Pal suffrì tantu e tantu mi tratteni:  
Li mei e l'angeni  
Gunnocini li peni:  
Sani di me chi socu in agunia.

Una vita cussì  
No possu resistì:  
In campu di battaglia murì dia.

Socu più di ottu mesi,  
In manu a l'Inglesei;  
Li nutizi di casa ca mi dà?  
Tu chi affruntesi  
La molti e mi salvesi:  
Pal suffrì tanti peni e sospirà!  
Tu chi tantu amaa,  
Molgu e decu stà,  
Sempri da Te luntanu, Patria mia!

Una vita cussì  
No possu resistì:  
In campu di battaglia murì dia.

Addiu! Patria amata  
Chiss'ora assignata  
Oggi é giunta pal me, colta e fatali:  
Tu sempri sei stata  
Paura e calpistata:  
Però sempri più bedda e insultali.  
Mammafeù molgu abali  
E lassu pal signali  
Perenni un testamentu in prigionia.

Una vita cussì  
No possu resistì:  
In campu di battaglia murì dia.

.....

Ligato

- UNA DEA D'AMORI -

A ca decu amà in Caragnani  
Chi l'amori rammenta lu passatu!.....  
Un simbulu d'amori é i'li me'mani,  
Da Logudoru mill'habim ndatu:  
Comu succedi a celti vaggiani,  
A lu cicana chi faci lu suldatu,  
Dapoi d'adé giratu, gira e gira,  
L'amori da luntanu sill'attira.

Era una littera cu un biancu fiori  
L'alta sera pal me inaspittata,  
Mill'ha mandata una Dea d'amori  
Da luntanu di me s'é ammintata.  
Nusa, tu sai chi l'amu e laggiu in cori  
E no sarà da me mai scinticata;  
Comu si dici é veru e viritai:  
Lu primu amori no scintica mai.

Pensu chi Beatrice, pena grea  
Desia call'anna ardentementi,  
Dante, in paci in paci e senza brea  
Invanu suspireai amaramenti.  
Tantu gentili é la femina usa,  
Amabili, dunosa, e attraenti  
Chissa dea d'amori virtuosa  
Sarà la me'asata e cara sposa.

Una cumpagnia tantu gradita  
La cumpagnia! Deu posta l'ha.  
Si chiss'amori da un fruttusendi vita  
Di la me'esistenza, cu li lassà  
Calchi cosa, e pal me era finita  
La penitenza chi dagnanu sa;  
Pa no filmà in pettu a chiochessia  
Maggiu cilcatu la me cumpagnia.

In Logudoro mi decu spusani  
Una dea d'amori aggiu incontratu:  
A ca decu amà in Caragnani  
Chi l'amori rammenta lu passatu!.....

\*\*\*\*\*

*Rigala*

Tu, in miniatura sei Regina  
Pa la biddeza rara chi tu hai.

Se'n ta in primavera tra li fiori,  
Tra l'ombra di lu soli e la friscura;  
Nisciuna pò sé chissi colori,  
Tanta biddeza e tanta biancura,  
La to'cara é piena di splendori!  
Dea e suprema, amabili e pura;  
Dunosa e dilicata; blondina  
Tu sei l'abbagliu di l'umanitai!

Tu, in miniatura sei Regina  
Pa la biddeza rara chi tu hai.

Si biancura ti mostra Limbara,  
Candu cadi la nni invernali;  
Mi passedi ancora la to'cara  
Di l' più biancura naturali;  
Un soli, una biddeza tantu rara  
L'occhi toi lucenti so'li quelli  
Candu spunta la stella mattutina,  
Soli chi splendi, no tramunta mai!

Tu, in miniatura sei Regina  
Pa la biddeza rara chi tu hai.

Si e' senti di te invidiosa,  
Chi credi d'essè bedda, e r'ra tantu:  
O stella abbaglianti luminosa  
Nisciuna no pò d'essi chissu'antui  
Se'nata in primavera, sei la rosa  
Distinta fra li beddi sei l'incantu,  
E no pal vantu, o bedda signorina,  
In te incontru una divinitai.

Tu, in miniatura sei Regina  
Pa la biddeza rara chi tu hai.

\*\*\*\*\*

*Sigala*